



Adresa: **Ul.H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-161-5/26**

Datum: **23.06.2026. godine**

„Agencija za vodno područje rijeke Save“ Sarajevo rješavajući po zahtjevu investitora Općine Olovo za izdavanje vodne saglasnosti na projektnu dokumentaciju nakon realizacije projekta detaljnih hidrogeoloških istražnih radova i ispitivanja na lokalitetu „Banja“, u cilju utvrđivanja prisustva termalnih voda te definisanja kvantitativno-kvalitativnih karakteristika akvifera koji bi se optimalnim tehničkim rješenjem i na ekonomski racionalan način mogao zahvatiti i uključiti u sistem za eksploataciju, na osnovu člana 114. stav (1) i člana 121. stav (3) Zakona o vodama („Službene novine Federacije BiH“, broj 70/06) i člana 67. stav (2) Zakona o upravnom postupku („Službene novine Federacije BiH“, broj 02/98, 48/99 i 61/22) d o n o s i

ZAKLJUČAK

Odbacuje se zahtjev investitora Općine Olovo za izdavanje vodne saglasnosti na projektnu dokumentaciju nakon realizacije projekta detaljnih hidrogeoloških istražnih radova i ispitivanja na lokalitetu „Banja“, u cilju utvrđivanja prisustva termalnih voda te definisanja kvantitativno-kvalitativnih karakteristika akvifera koji bi se optimalnim tehničkim rješenjem i na ekonomski racionalan način mogao zahvatiti i uključiti u sistem za eksploataciju, jer nisu ispunjeni uslovi propisani rješenjem o prethodnoj vodnoj saglasnosti, a koji su bili uslov za izdavanje rješenja o vodnoj saglasnosti i isti se smatra kao da nije ni podnesen.

O b r a z l o ž e n j e

Na zahtjev Investitora Općine Olovo dana 21.04.2026. godine pokrenut je postupak za izdavanje vodne saglasnosti na projektnu dokumentaciju nakon realizacije projekta detaljnih hidrogeoloških istražnih radova i ispitivanja na lokalitetu „Banja“ u cilju utvrđivanja prisustva termalnih voda te definisanja kvantitativno-kvalitativnih karakteristika akvifera koji bi se optimalnim tehničkim rješenjem i na ekonomski racionalan način mogao zahvatiti i uključiti u sistem za eksploataciju. Uz zahtjev je dostavljena sljedeća dokumentacija:

A-Opšta dokumentacija:

- Uvjerjenje o registraciji poreznog obveznika od 06.04.2023. godine izdato od strane Kantonalnog poreznog ureda u Zenici - ovjerena kopija,
- Obavještenje o razvrstavanju poslovnog subjekta prema klasifikaciji djelatnosti, broj:07-28-5-7358/23 od 17.05.2023. godine izdato od strane Službe za statistiku za područje Zeničko-dobojskog kantona - ovjerena kopija,
- Rješenje broj: UP-1:04-21-805/24 od 23.02.2024. godine izdato od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona – ovjerena kopija,
- Rješenje o prethodnoj vodnoj saglasnosti, broj: UP-1/21-1-40-489-5/23 od 30.11.2023. godine izdato od strane Agencije za vodno područje rijeke Save, Sarajevo - ovjerena kopija,
- Rješenje Up/I broj: 06-14-2-266/24 od 22.08.2024. godine izdato od strane Federalnog ministarstva energije, rudarstva i industrije – ovjerena kopija,
- Kopija katastarskog plana, UR. broj: 04-26-11-13-251/2026-2 od 15.04.2026. godine izdato od strane Službe za ekonomske poslove općine Olovo,
- Zemljišnoknjižni izvadak Katastarska općina Olovo, broj: 041-0-NAR-26-005 148 Zemljišnoknjižni uložak broj: 297 izdat od strane Općinskog suda u Visokom,

- Obavijest, broj: 02-21-2-0013-2/26 od 05.06.2026. godine izdata od strane Općine Olovo,
- Dokaz o uplaćenju federalnoj upravnoj pristojbi na zahtjev.

B-Tehnička dokumentacija:

- Projekat detaljnih hidrogeoloških istraživanja na području Općine Olovo na lokaciji „Banja“ Olovo u cilju utvrđivanja prisustva termalnih voda u dubljim i dubokim zonama stjenskog masiva i mogućnosti njihove eksploatacije i korišćenja urađen od strane „CTU-IPKIN“ d.o.o. Bijeljina, novembar 2023. godine,

- Aneks Projekta detaljnih hidrogeoloških istraživanja na području Općine Olovo na lokaciji „Banja“ Olovo u cilju utvrđivanja prisustva termalnih voda u dubljim i dubokim zonama stjenskog masiva i mogućnosti njihove eksploatacije i korišćenja urađen od strane „CTU-IPKIN“ d.o.o. Bijeljina, decembar 2025. godine.

Nakon prijema i pregleda dostavljene dokumentacije dana 21.05.2026. godine aktom broj:UP-1/21-2-40-161-3/26 od investitora je zatražena dopuna podneska u skladu sa zahtjevima iz rješenja o prethodnoj vodnoj saglasnosti, broj: UP-1/21-1-40-489-5/23 od 30.11.2023. godine. Krajnji rok za dostavljanje traženog dokumenta bio je 01.06.2026. godine.

Investitor Općina Olovo se pismenim putem očitovao, akt broj: 02-21-2-0013-2/26 od 05.06.2026. godine te je Agenciju obavijestila da nisu u mogućnosti da dostave traženu projektnu dokumentaciju. Tačnije, istražni radovi i ispitivanja na lokalitetu „Banja“ u cilju utvrđivanja prisustva termalnih voda te definisanje kvantitativno-kvalitativnih karakteristika akvifera koji bi se optimalnim tehničkim rješenjem i na ekonomski racionalan način mogao zahvatiti i uključiti u sistem za eksploataciju, nisu okončani na terenu, tako da projektna dokumentacija koja bi trebala sadržavati sve relevantne podatke nije mogla biti izrađena.

Kako podnosilac zahtjeva nije ispunio uslove koji su određeni prethodnom vodnom saglasnošću, a koji su bili uslov za izdavanje vodne saglasnosti u ostavljenom roku, kao ni do dana donošenja ovog Zaključka, na osnovu člana 114. stav (1), u skladu sa članom 121. stav (3) Zakona o vodama i članom 67. stav (2) Zakona o upravnom postupku, riješeno je kao u dispozitivu ovog zaključka.


Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Potpisano
Rukovodilac Sektora za izdavanje vodnih akata

Vilma Pezo, dipl.inž.građ.

Dostaviti:

- Općina Olovo
Branilaca Olova broj 26, 71340 Olovo
- ⊙AVP Sava, ISV – Vodna knjiga,
- Org.jed. 40 – Arhiva,
- AVP Sava – Oglasna ploča